



## PREDMET "LUTKA": SUD BiH IZREKAO DO SADA NAJVEĆU UKUPNU KAZNU ZA ORGANIZOVANI KRIMINAL



Optužnica ih je teretila za više ubistava i teških ubistava, oružanih pljački banaka i transporta novca, te pljačke, razbojništva, pranje novca

**Mirsada LINGO-DEMIROVIĆ**

**SARAJEVO - Optuženi u predmetu "Lutka", odnosno "Bojan Cvijan i drugi" osuđeni su juče prvostepenom presudom Suda BiH na ukupno 101 godinu i osam mjeseci zatvora.**

Prvooptuženog Cvijana, bivšeg inspektora u **SIPA**, Sud BiH osudio je na jedinstvenu kaznu zatvora od 20 godina za krivična djela organizovanog kriminala, razbojništvo, ubistvo i dogovor za izvršenje krivičnog djela. Cvijan je uhapšen u akciji "Lutka" 2012. godine, a optužnica obuhvata još 30 osoba, s tim da je jedan od optuženih Benan Dorić izvršio samoubistvo, pa je protiv njega postupak obustavljen. Cvijan je smatran bliskim saradnikom Darka Eleza i njegove kriminalne grupe, a dokazi o njihovoj saradnji izašli su na vidjelo tokom suđenja Doru Ždrali. Oslobođen je optužbe da je učestvovao u ubistvu Zorana Goluba jer se dokaz temeljio na dokazu samo jednog svjedoka koji je dobio imunitet u ovom slučaju. Dokazano je da je Cvijan nabavio snajpersku pušku, koja je korištena u pokušaju ubistva Dorda Ždrale, te motorolu putem koje su slušali policijsku vezu.

Muhamed Ramić osuđen je na osam godina, Ljubiša Lalović na pet godina i 10 mjeseci, Marko Krajišnik na 18 godina, Elvis Zlatić na tri, Dragan Obućina na osam, Vladimir Paradina na osam, Anes Kurbegović na 15, te

# GODINE ROBIJE Cvijan i drugima!

Mladen Mičić na godinu zatvora. Dejan Vukosavljević je osuđen na četiri, Nermin Tahirović na tri, Elvira Kajević na dvije, te Adnan Kajević na pet godina i 10 mjeseci zatvora. Benjamin Halilović, Mehmed Kajević i Dragan Jevtović su oslobođeni optužbi. Cijela grupa će platiti oštetu "BH pošti", Privrednoj banci i Pavlović banci, koje su oštetili za višemilionske iznose, a moraće platiti i sudske troškove. Sutkinja Biljana Čuković je kazala da Cvijan, Krajišnik, Ramić, Obućina, Paradina i Kurbegović ostaju u pritvoru

odmah nakon izricanja presude. Međutim, Kurbegović se juče nije ni pojavio u sudnici, kao ni Pa-

**OPTUŽENI ĆE MORATI NAMIRITI NOVAC PRIVREDNOJ BANI SARAJEVO, PAVLOVIĆ INTERNACIONAL BANI IZ BIJELJINE I "BH POSTI"**

### Izdvojeni postupci

Tokom procesa iz predmeta "Lutka" izdvojeni su postupci Sedadu Roboviću i Edinu Ahmetpahiću, koji su se nagodili s Tužilaštvom te su osuđeni na po pet godina zatvora. Izdvojen je postupak i Slobodanki Tošić, koja je osuđena na dvije i po godine zatvora, ali se i ona, kao i Davor Elez, za kojim je raspisana crvena Interpolova potjernica, nalazi u bijegu, te je za njom raspisana Interpolova potjernica. U izdvojenom postupku Davor Mandić je osuđen na sedam godina zatvora, Hirzmo Čato na dvije, te Admir Ahmetpahić i Slaviša Bobar na po godinu zatvora.

radina, čiji advokat je kazao da je on u utorak pijan izazvao saobraćajnu nesreću, te ga je policija u Istočnom Sarajevu zadržala u pritvoru. Vaskija Vidović, advokat Cvijana, najavila je žalbu.

Glavni pretres u ovom predmetu, koji se odnosi na jednu od najvećih organizovanih kriminalnih grupa u BiH u proteklih dvadesetak godina, počeo je u aprilu 2014. godine. Optužnica ih je teretila za organizovani kriminal u vezi s više ubistava i teških ubistava, oružanih pljački banaka i transporta novca u višemilionskim iznosima, te pljačke, razbojništva, pranje novca i druga teška krivična djela. U međuvremenu slučaj je razdvojen u nekoliko predmeta.

Tokom dokaznog postupka tužilaštvo i odbrana izveli su niz svjedoka te su prezentirali veliki broj materijalnih dokaza. U glavnom pretresu svjedočili su i Anđelko Veljančić, svjedok pod imunitetom, te Đorđe Ždrale, zvani Doka, (izdržava dvadesetogodišnju zatvorsku kaznu zbog likvidacije Ljubiše Savića, zvanog Mauzer), koji je opisao kakve su okolnosti vladale u podzemlju RS. Ovu grupu terete da je u tri navrata bezuspješno pokušavala da ga likvidira zbog njegovog sukoba s Darkom Elezom, koji se nalazi na izdržavanju devetogodišnje zatvorske kazne u Sremskoj Mitrovici u Srbiji.

Iz Tužilaštva BiH kazali su da su zadovoljni presudom. Tvrdi da su u ovu akciju bile uključene sve policijske agencije, te da je to bio najopsežniji predmet organizovanog kriminala ikad processuiran u BiH.

"Rasvjetljene su pljačke banaka, transporta novca i pošte u ukupnom iznosu većem od 10 miliona KM. Među 32 optužena, njih trojica bila su policijski službenici, pa je ovom akcijom zadan odlučan udarac nezakonitom ponašanju u policijskim strukturama", saopšteno je iz Tužilaštva.